



Kalaallit qallunaallu oqartussaasoqarfiisa ataatsimoorussamik suliniuteqarnerat Kalaallit Nunaanni meeqqat inuusuttullu atugarliortut pitsaasumik meeraanissaanut qulakkeerinnissaaq

Kalaallit Nunaanni Isumaginninnermut Naalakkersuisoq Danmarkimilu Socialministeri meeqqanut inuusuttunullu atugarliortunut pitsaanagerusumik suliniuteqarnissamat innersuussutinik 16-inik tigusaqarput, taakkulu suliniutiginnissaat 1. septemari 2020-miit aallartissavaat.

Ukiuni kingullerni Kalaallit Nunaat meeqqanut inuusuttunullu atugarliortunut ikiorsiinialuni annertuumik suliniuteqarnissamik aallartitsisimavoq. Ajoraluartumilli kisitsisit ersarissumik alianartumillu takutippaat: Kalaallit Nunaanni meeqqat pingajoraarterutaasa sulimeeraanerminni sumiginnarneqarnertik amigartumillu angajoqqaaniit akisussaaffimmik takutitsivigineqartarnertik misigisarraat. Meeqqat tallimartapajaasa 1995-imi kingornaluunniit inunngornikut kinguaassiuutitigut atorneqarnissimapput. Inuusuttullu imminut toquttartut ennumatsannartumik amerlasoorujussuupput.

Taamaammat qanoq ililluni siusissukkut suliniuteqartarnerit, pinaveersaartitsinerit, amerlanerusunillu meeqqanut inuusuttunullu atugarliortunut neqerooruteqartarnissat aammalu meeqqat inuusuttullu kinguaassiuutitigut atorneqarnissimassut pitsaanagerusumik inatsisitigut illersugaanerat qulakkeerneqassanersut pillugit suleqatigiissitat 16-inik innersuusiornikuupput.

Folketingimi amerlanerussuteqarluartut isumaginninnermut tunngassuteqartunik innersuussutit piviusunngortinneqarnissaannut 80 mio. Koruuninik aningaasaliissuteqarnikuupput, Kalaallit Nunaanniillu aningaasaleeqataasoqarluni. Tamatumunnga ilanngullugu, ukiuni aggersuni aningaasaliissutissanut inatsinnut atatillugu inatsisinut tunngasuni suliniutissanut aningaasanik nassaarniarnissaaq Danskil naalakkersuisuisa siunniuppaat.

Naalakkersuisoq Martha Abelsen ima oqarpoq:

”Danskil tapersiuteqarnerat qujamasuutigilluinnarparput, nuannaarutigalugulu maluginiarsimavara qanoq suleqatigiinneq ajunngitsigalunilu naligiitsigisoq. Kalaallit Nunaanni meeqqat tamarmik toqqissisimasumik meeraanissaat anguniarlugu sulissutigivarput, suleqatigiissitalu innersuussutaat pitsaasut aallareriikkatsinnik aallaaveqartut ingerlakkutsigit, taava isumaqarpunga angusinnaassagipput. Maannakkut innersuussutit piviusunngortinnissaat tullernguuppoq, taamaalilluni meeqqat inuusuttullu allannguuteqartoqarneranik malugisaqalerniassammata.”

Social- aamma indenrigsministeri Astrid Krag ima oqarpoq:

”Meeraanermi sumiginnagaanernik oqaluttuat aliatsannartorujussuit isiginngitsuusaarsinnaanngilluinnakkagut tusarnikuuakka. Kalaallit Nunaata meerartai

atugarliortut allannguiffigivittariaqarpavut. Taamaammat maannakkorpiaq piffissamilu ungasinnerusumi ikiuutaasussamik suliniuteqarniarnerput nuannaarutigaa. Aammalu naak ajornartorsiutit tamarmik maannakkorpiaq aaqqissinnaangikkaluarlutigit, amerlanerusut toqqissisimanerusumik meeraanissaannut ikiuutaassaaq.”

Naalakkersuisut (nunatsinneersut), danskillu naalakkersuisui ukioq kingulleq suleqatigiissitanik pilersitsippat. Tamatumunnga tunuliaqutaasoq tassaavoq, ukioq kingulleq aasaanerani Naalakkersuisut danskit naalakkersuisuinut Kalaallit Nunaanni meeqqat inuusuttullu atugarliortut pitsaanerusumik suliniuteqarfiginissaannut peqatiserinninnerat.

[Link (både sim.dk og Naalakkersuisuts hjemmeside) til rapport med anbefalinger]

[Link (sim.dk og Naalakkersuisuts hjemmeside) til kommissoriet for arbejdsgruppen]

Sukumiinerusumik paasissutissat:

Social- aamma Indenrigsministeriap tugasassiortunut oqarasuaataa, oqaras.: +45 4185 1360 (SMS-inik tigusaqarneq ajorpoq)

Isumaginninnermut, Ilaqutariinnut Inatsisinillu Atuutsitsinnermut Naalakkersuisoqarfik, Naalakkersuisumut allatsi Inger Heilmann Larsen, e-maili: ihla@nanog.gl, oqaras.: +299 554160